

Jamaican - Agape Gad Wod - God's Love Letter Scriptures

Jan 15:9 Mi lov unu jos laka ou mi Faada lov mi. No ton we fram di lov we mi av fi unu.

Aizaiya 43:1,2 - Ifiijan 2:10 A Gad mek wi tan ou wi tan. Gad mek wi an Jiizas wan, so wi kyan du di gud sitn dem we im did plan fi wi du fram wie bak wen.

Jerimaiya 1:5 - Gyalieahan 1:15 Bot Gad gud an kain tu mi. Im pik mi fram mi baan an im kaal mi fi du im wok.

Jan 15:16 A no unu pik mi, a mi pik unu an put unu wan said fi bier nof fruut — di kain-a fruut we a-go laas fi eva. Wen dat apm, mi Faada gweehn gu'unu eniting unu aks im fa kaa unu a mi falara.

3 Jan 1:2 Mi prie se Gad wi gud an kain tu unu, sekli unu aat, an gi unu nof nof lov.

Aizaiya 43:4 - 1 Piita 2:9,10 Bot unu a wan set a piipl we Gad pik. Unu a di king priis — an Gad a di king. Unu a wan speshal piipl we Gad tek fi kom ton fi im uona piipl dem. Im pik unu so unu kyan tel ada piipl ou big im bi an ou gud im bi. Kaaz a im sed wan tek unu outa daaknis an kom put unu iina im brait brait lait. 10 Wan taim unu a neva Gad piipl bot nou unu a fi im uon. Im neehn yuus tu av piti pan unu bot nou im gud an kain tu unu.

Jerimaiya 31:3 - Ifiijan 1:4 Fram wie bak wen, bifuo Gad mek di worl, im pik wi an mek wi an Jiizas wan. Im pik wi, so dat wi kyan liv kliin an no av notn bad iina wi laif fi kip wi we fram im.

2 Timoti 1:9 Gad siev wi an pik wi fi bi im piipl. A no kaaz a notn we wi du mek im du dat. Gad pik wi kaaz im did plan fi gud an kain tu wi. Wie bifuo taim im di plan fi shuo wi lov iivn duo wi no dizorv it an sen Krais Jiizas fi siev wi.

Jan 3:16 Kaa, yu si, Gad lov di worl so moch dat im gi op im wan dege-dege Bwai Pikni, so enibadi we chos iina im naa go ded bot a-go liv fi eva.

Ozeya 11:8; Aizaiya 49:15,16; & Aizaiya 41:13,14

Luuk 12:32 So, unu we a fala mi, no bada fried. Unu Faada api fi gi unu im kindom.

**Matyu 28:20 Gwaan go tiich dem fi lisen an fala aal a di ruul dem
we mi gu'unu. An memba, mi no lef unu non at aal, mi de wich
paat unu de til taim don.**

Jan 14:1 No wori unusel. Chos iina Gad, an chos iina mi tu.

**Saamz 23:1 - Jan 10:11 Mi a di gud shepad. Di gud shepad wi gi
op im laif fi di shiip dem.**

**Saamz 23:2 - Revilieshan 7:17 Kaaz di Biebi Shiip we de a di migl
a di chuon a-go tek kier a dem jos laik ou wan shepad tek kier
a im shiip dem. Im a-go liid dem go a wan plies we fresh kliin
waata eva a ron. An Gad gweehn jrai op aal a dem yai-waata.**

**Saamz 23:3,4 - Luuk 1:79 It a-go shain pan di wan dem we a liv
iina di daak an we fried fi ded. An im a-go shuo wi ou fi liv iina
piis.**

**Saamz 23:5,6 - 2 Korintiyan 1:10 Wi did a go ded wan wikid wikid
wie an a Gad mek wi neva ded. A im siev wi an im wi aalwiez
kom siev wi wen wi iina chobl. Wi nuo se im wi gwaan kip wi
sief.**

**Filiyan 4:7 Wen unu du dat, Gad wi gi unu piis iina unu aat an
main iina wan wie we unu kyaahn iivn andastan. Im a-go du it
so unu no afi wori bout notn, kaaz unu an di Laad a wan.**

**Pravorbs 3:24 & Saamz 4:8 - Jan 14:27 Mi a lef go we, bot mi a-go
mek unu av piis iina unu aat — di kain-a piis we mi av iina fi mi
aat. A no di sed kain-a piis yu get fram di worl. No mek unu aat
bada unu, an no kech unu fried.**

**Saamz 33:18 - 1 Piita 3:12 Kaaz di Laad a wach uova aal a di piipl
dem we a liv rait an im a lisen tu dem wen dem prie, bot im no
iina notn wid di piipl dem we a du wikidnis.**

**Ruoman 5:2 Aal a di gud sitn dem we wi a get fram Gad an we wi
no dizorv, wi a get dem siek-a wa Jiizas Krais did du an kaaz
wi biliiv. An wi wel api kaaz wi nuo fi shuor se Gad a mek wi
muor an muor laik im.**

**Aizaiya 55:12 - Luuk 19:40 Jiizas se, “Ef dem no mek no naiz, dem
stuon ya — dem wi baal out.”**

**Jan 16:22 A sed wie so it go wid unu: Unu iina pien nou, bot mi
gweehn si unu agen, an unu a-go glad iina unu aat, an nobadi
kyahnn go mek unu no api agen.**

**Luuk 12:9 Bot enibadi we tel ada piipl se dem no nuo mi an ou
dem no mi falara, mi a-go du di sed ting tu dem infronta Gad**

Ienjel dem.

Matyu 10:30 Dong tu di ier pan unu ed Faada Gad kount op an nuo umoch de de.

Aizaiya 54:10 - Matyu 24:35 Evn an ort naa go de bout fi eva, bot fi mi wod a-go laas fi eva.

Matyu 11:28-30 "Aal a unu we taiyad an bordn dong unu kom tu mi an mi wi mek unu get fi res. 29 Jos laka ou di kou tek di wudn yuok pan dem shuolda, a so unu fi tek op di sitn dem we mi tel unu fi du, an tek iin wa mi a tiich, kaa mi wi tek taim wid unu, an mi riili ombl, an unu wi get fi res unu suol. 30 Kaaz di sitn dem we mi a tel unu fi du, dem iizi an di luod we mi de gi unu — lait."

Salaman 2:10 & Ozeya 2:14,19,20

2 Korintiyan 11:2 Mi wori bout unu siem laik ou Gad wori bout unu. Siem laik ou wan faada wi tek im gyal pikni we neva sliip wid nobadi yet an pramis fi marid ar tu wan man, a siem so mi did tek unu an pramis fi marid unu tu Krais Jiizas.

Exodus 3:14 - libruu 13:8 Jiizas Krais no chienj — siem wie ou im tan yeside, a so im tan tide an a siem so im a-go tan fi eva an eva.

Ozeya 13:4 - Aks 4:12 A onggi Jiizas wan kyan siev piipl, an a fi'im niem Gad gi piipl. Nobadi els iina di uol worl kyaahn siev yu.

Jan 15:14 Ef unu du wa mi tel unu fi du den mi an unu a fren.

Jan 14:6 Jiizas ansa im an se, "Mi a di wie, mi a di chuut, mi a di wan we mek piipl kyan liv. Nobadi kyaahn go tu di Faada ef dem no go chuu mi.

Revilieshan 3:20 Lisan mi! Mi tan op rait a di duor an a nak. Ef enibadi ier mi a kaal an uopm di duor, mi wi kom iina im ous an mi an im wi nyam an jringk tugeda.